

**البغفان روکو**

**ديوان شعر غنائی**

**للأطفال**

**تأليف**

**أحمد إبراهيم الدسوقي**

كان فيه زمان بغبغان ملون  
طلع من البيضة بعد ما إتكون

شاف الدنيا وقال يا سلام  
دا الكون جميل من غير كلام

بص على نفسه وهو مكور  
شاف بغبغان صغير بريش منور

فرد جناحاته ورفرف بكل غرور  
وقال ده أنا أروع من كل الطيور

**إيه يعنى الطاوس والتوكان**

**ده زمنهم ولى وكان كان**

**إيه يعنى البشروش والفلامنكو**

**دول جمالهم فالصو زى الديك بينكو**

**روكو يا روكو**

**فرحان بجمالك ياروكو**

**منغوش وكأنك طاوس متعلم**

**متعالی وکأنک نسر متکلم**

**مع إن جدو البغبغان الحکیم**

**قال زمان کلام سلیم**

**المنفوخ لابد حیدور بعد الغرور**

**حوالین نفسه ویقع فی المحظور**

**روکو یا روکو**

**کل ده غرور یا روکو**

قعد بغبغانا صاحب المعالى  
يعد فى ألوان ريشه غير مبالى

ينظر للطيور فى غرور

يقعد يسرح ويقول

أنا إسمى روكو الطائر الجميل  
ملك كل الطيور لكن مش بخيل

كل مخلوق فى الغابة له نظرة  
على ريشى بعدها ينحنى ويقول يالروعة

**مين قدى يا غابة وأنا قاعد على عرشها**

**مين زى ليعلم الجميع فى كل مرجها**

**إن البغبغان روكو شطور الشطارة**

**ملك ملوك الطيور الطيارة**

**جماله ما إتوصفش على حد**

**أيوه والله ده كلام جد**

**شوفوا مثلا ريشى المذهب المموج**

**ده ولا كنوز الملك سليمان المتوج**

شوفوا عيونى الزرقا الجميلة  
أجمل من عيون المها فى الخمييلة

مسموح يشوفو جمالى كل سكان الغابة  
متحف تاريخى لكل من هب ودب من الغلاية

وده بس علشان التاريخ وحوادته  
روكو ما بخلش بحسنه على الرعية فى حياته

يلا يا تلفزيون وسينما صوروا

ببهائى وروعى حتنورا

ويصبح جمالى علم الروكوات  
يدرس فى المدارس والجامعات الأجنبيات

ونرجع نحكى ونقول يا أطفال  
عن البغبغان إالى رايح للأخطار

زمان زمان كان فيه بغبغان مِغرور  
طلع من البيضة وهو لسه فرفور

شاف الدنيا وقال يا سلملم  
دا الكون جميل ترلملم



كان إسمه البغبان الصغير روكو  
لكن مش مُنتج للبيض زى الدجاجة فوكو

قعد بغبانا أبو الغرور يكلم الطيور  
يعد فى ألوان ريشه ده مطيور

أنا إسمى روكو الطائر أبو روعة  
ملك كل الطيور لكنها مش مستوعبة

كل مخلوق فى الغابة والله مبهور  
يشوف ريشى بعدها يقول الطائر ده شطور

كان إسمه البغبغان الملبط روکو  
لكن مش رائع زى الطاوس شوکو

روکو یا روکو

فرحان بجمالک یاروکو

منفوش وکأنک طاوس متعلم

متعالی وکأنک نسر متکلم

إسمعونی إسمعونی

دا أنا الكونت ديمونت إنحنولى

أنا إسمى روكو ملك الملوك

توكان إيه وطاوس إيه دول صعاليك

أنا الأول والأخير فى الجمال

روعة ريشى ده محال

دى مثلا ريشة صفرا مدورة

جميلة زى لون الشمس المنورة

**ودى ريشة خضرا طويلة**

**جميلة زى لون الزرع فى الضليلة**

**ودى ريشة بيضا بتضوى**

**جميلة زى الهلال فى ليلة بتحكى**

**ودى ريشة حمرا جريئة**

**جميلة زى لون الغروب فى الحديقة**

**ودى ريشة زرقا ذكية**

**جميلة زى لون البحر وموجته الشقية**

**ودى ريشة بنى كبيرة**  
**جميلة زى ألوان فراشات كثيرة**

**ودى ريشة تركواز روعة**  
**عظمة على عظمة يا معجبين ماليش دعوة**

**ودى ريشة كهربانية سحارة**  
**ولا كنوز ألف ليلة من غير أمانة**

**ودى ريشة موف خطيرة**  
**ما تتخلوش مدى بهاها وهيا طيارة**

**وأخيرا دى ريشة بينك كأنها مستوردة**

**من بلاد السند والهند متوردة**

**قعد بغبانا الطائر المجنون**

**يعد فى ألوان ريشه كأنه أبو الفنون**

**كان إسمه البغبان الصغير روكو**

**لكن مش زى نافع زى البطة لوكو**

**مع إن جدو البغبان الحكيم**

قال زمان كلام سليم

المنفوخ لابد حيدور بعد الغرور  
حوالين نفسه ويقع في المحذور

بغبغانا الصغيور يا اولاد مغرور  
فاكر نفسه راكب حنطور

البغبغان التحفة كان اسمه روكو  
لكن مش زي التوكان المزهزه أوكو

**روكو يا روكو**

**فرحان بجمالك ياروكو**

**متكبر وكأنك علبة ألوان جميلة**

**بتترسم فى كراس الرسم زى الخميعة**

**لكن جدو البغبغان العجوز حزين حزين**

**بعد ما قال روكو أنا زين زين**

**المنفوش غروره حيوديه لحد الصياد غير مبالى**

**يقع فى الفخ ويدفع حرите تمن التعالى**



يكله تعلب لئيم مكار

إسمه أبو ديل منغوش ويحبسه في الكرار

بغبانا طائر طائر في بحر الغرور

راكبه التعالي وكأنه لابس طرطور

لكن شبكة الصياد ما بترحمش

تحبسه في قفص ما بيسلمش

يطلعه في الضلمة عفريت

يقوله عو عو وهوا يقول ياريت يا ريت

فرد روکو جناحينه وطار فى الهوا

ما يعرفش إن الغرور ما لوش دوا

يطير يمينه يطير شماله

مسيره يقع بسبب أسوا خِصاله

كان فيه زمان بغبانات كتيرة

لكن مش مغرورة زى واحد من الفصيلة

بغبانا الصغير واقف مبهور

الدنيا من حوالية كبيرة لكن تغلب المغرور

شاف الدنيا وقال يا سلام  
دا الكون جميل من غير كلام

بص على نفسه وهو مكور  
شاف بغبغان صغير بريش منور

فرد جناحاته ورفرف بكل غرور  
وقال ده أنا أروع من كل الطيور

إيه يعنى الديق والدجاجة

هوا بيدن وهيا بياضة

إيه يعنى النسور والحداياات  
دول جمالهم تقليد زى البقيات

روكو يا روكو

غرورك ما إتوصفش ياروكو

فاكر نفسك إمبراطور الجمال  
غرورك دائما يقلب إتجاه الشمال

**وجدو البغبغان الوقور**

**قال زمان حِكَم للطيور**

**يا مغرور يا مغرور**

**حوالين نفسك حتفضل تدور**

**روكو لف الغابة لف**

**طار طار زى الكف**

**نزل البغبغان المغرور روكو**

**وراح عند الغراب موكو**

شافه حزين وحيد للصحة مستنى

نزل جنبه وبغرور قعد يغنى

روكو يمدح فى نفسه ويعد ريشه

كأنه ملك بيستعرض جيشه

زعل الغراب وقال بغبان مغرور

ماحدث أذنه بالحضور

رد روكو وقال ده أنا صاحب المعالى

**جمالى فى الغابة جمال خيالى**

**مين فهمك يا نواح فى الجمال**

**وانت غراب سوادك ليل طويل فى التلال**

**طار الغراب بعد ما شعر بالإهانة**

**وروكو سابه بعد ما عامله بمهانة**

**الغراب دموعه نزلت ورغرغت**

**وروكو شمت فيه والدنيا كأنها زهزت**

أعمل إيه مع الطيور الحقودين

إلى على الغيرة من الملوك متربيين

بدل ما يبوس إيدي يوبخنى

وكأنى مش ملكه وطار من غير ما ينحنى

كان فيه زمان بغبان ملون

طلع من البيضة بعد ما إتكون

شاف الدنيا وقال يا سلام

دا الكون جميل من غير كلام



**بص على نفسه وهو مكور**

**شاف بغبغان صغير بریش منور**

**فرد جناحاته ورفرف بكل غرور**

**وقال ده أنا أروع من كل الطيور**

**فضل روکو وحيد منبوز**

**كل الطيور بتتجنبه وضاربة بوز**

**روکو لف الغابة لف**

## طار طار زى الكف

بص على الطواويس وقال يا سلام  
أتغزل فى جمالى قدامهم هوا ده الكلام

شاف طاوس خلص مع الصحاب لعب  
نزل جنبه بعد ما ملكه التعب

قعد روكو يتعالى على الطاوس الجميل  
والطاوس مندهش من البغبغان أبو دم تقيل

وما قدرش إنه فى مقام أبوه أو عمه

**وإستخف بيه وآه يا همه**

**الطاوس بصله واستغرب**

**قاله غضبان وهوا متكهرب**

**إيه الغرور ده يا ولد**

**مافيش غيرك فى البلد**

**حتة بغبان أحمق ملخبط**

**عقله عقل الحمار المخطط**

**من أول يوم له فى الدنيا**

**فاكر إنه ملكها فى ثانيا**

**محدث يا ولد يقدر يضحك على الدنيا الكبيرة**

**تديله درس فى الاخلاق ويقع فى مواقف خطيرة**

**شوية ريش وفاكر نفسه ملك الطيور**

**أمال لو كان طاوس كان عمل إيه المغرور**

**سابه الطاوس وطار فى تجاهل**

**بعد ما قال بغبان بالذوق جاهل**

**كل طائر يصيبه الغرور**

يقع فى الشرور

ويرجع للفضيلة مجرور

حتى إسألوا مخالبا القط كركور

طار روكو ولا همه

من وعظ الطاوس اللى فى سن عمه

كلهم غيرانين منى

دول عيال مش من سنى

ايه يعنى الطيور مقطعانى

لسه فيه طيور عاوزانى

يبقى حد يفكرنى أعاقبهم

لازم بعد كده أأدبهم

كان فيه زمان بغبان مجنون

طلع من البيضة ده للطمع زبون

الدنيا تقوله يا ولا عيب

ماشى وسط الغابة تقول بيب بيب

**بص وبص على نفسه بتعاضم  
قال ده أنا فى الغابة الأسد كاظم**

**فرد جناحاته وطار طار  
وقال كل الحيوانات تبصلى فى إنبهار**

**روكو لف الغابة لف**

**طار طار زى الكف**

**حظه الوحش بعته ناحية النسور**

**دى طيور متوحشة بتعدى البحور**

**قال روكو إيه يعنى النسور كلهم**

**أنزل بجرئة وأتكلم مع مَلِكهم**

**شاف نسر واقف بيتكلم**

**مع وزراءه وأتباعه الكل صامت بيتعلم**

**نزل جنبه بجرئة الصعلوك**

**مش مقدر خطورة مخالِب الملوك**



وزى عادته قال شعر فى جماله  
يلف ويدور كأنه بدر فى ليلة تمامه

لعل النسر ينحنيله  
يا غباء إلى يتوهم إن الملك خليه

بص الملك النسر مندهش  
قال ياصعلوك بعيد هش هش

وضحك من التعجب وإحتار  
مغرور على إيه يا بو نص منقار

**شوية ريش مدهونين  
طالعين لفرخ أحرق منبتين**

**ده أنا ملك كل الطيور  
الريشة فيا دستور بتعدى بحور**

**وزرائى حدايات وعقابات وصقور  
ملك البحر والسما وكل الحضور**

**ولله الأعظم بصغر وأنحنى وأسجد وأركع  
ولازم أكون عادل ولغضبه أتوقع**

**وعمرى أنا المخلوق الضئيل**

**ما إتكبرت على طائر ذليل**

**عمرى ما صابنى الغرور**

**إلى هوا آفة الطيور**

**أطلع فى السما بقدرته هايم**

**أشوف النمل بأمره على الأرض نايم**

**أنزل هابط زى الطيارة الكبيرة**

**بأحترم نفسى وبقول السلام على العشيرة**

**وأشكر ربي وأبعد عن التعالي**

**والإحتعلمنى قسوة الليالى**

**يلا إمشى من مجلسى الموقر**

**علشان بمخالبى فى الأرض حعفر**

**بعدها حتلاقى نفسك وجبة شهية**

**لتلات نسور وحداية دا إنت لقية**

**كان فيه صفة يا دنيا**

هيا الغرور اللي بتضيع فى ثانيا

وبغبغانا غرقان فيها

بيعوم فى بحرها

شاف الدنيا وقال أنا الأجل

دا الكون جميل لكن أنا الأوسم

روكو يا روكو

فرحان بجمالك ياروكو

**لحد الجنون ياروكو وصلت  
لحد التعالى والتكبر إمتثلت**

**منفوخ وكانك النمر تيجر  
متكبر وكانك الفيل بنجر**

**مع إن جدو البغبغان أبو منقار  
قال كلام فيه تحذير يسمعه الشطار**

**المتعالى بعد الغرور  
لابد يقع فى الشرور**

يلاقى نفسه أسير  
فى قفص ذهبى ملفوف بالحرير

لكن عبد لصاحبه القاسى  
ما يرفرف جوا القفص حتى ولو ناسى

وإلا ينضرب بالعصاية

ياخدله كام لسوعاية

لكن بعد كده ترجع ريما

**لعادتها القديما**

**قعد بغبغانا أبو الريش القصير**

**يوصف فى جماله ده يحير**

**كان إسمه البغبغان الصغير روكو**

**لكن مش زى عصفور الساعة مفيد بيقول كوكو**

**أنا إسمى روكو الطائر الخرافى**

**ملك الغابة لما يشوفنى يمشى حافى**

**كل مخلوق فى الغابة لازم ينحنى أمامى**



وبعدھا أصفح عنه وأدبہ إحترامی

مین قدی یا طیور وأنا قاعد فوق الغابة

مین زبی إسمعوا کلکم حتی الأسود والديابة

إن البغبغان روکو السيد المطاع

ملك ملوک الطيور الكل فى استماع

جماله ما اتوصفش على حد

لا طاوس ولا بشروش ولا وز عراقى ده كلام جد

شوفوا مثلا ريشى البلاتينى

**سبايك ذهب مصفوفة آه ياعينى**

**شوفوا عيونى الكهرمانية**

**أجمل من عيون البقر الوحشية**

**مسمح يشوفنى إلى بيقدروا الجمال**

**بانوراما جميلة ده شىء من الخيال**

**علشان التاريخ يكتب ويقول ويعنون**

**الريشة فى روكو بألف طائر ملون**

**يلا يا إذاعة وتلفزيون بالدور**

**صوروا واحد واحد ده أنا اطعم من البتفور**

**لازم أنشىء علم جمال الروكوات**

**يدرس فى الأكاديميات**

**روكو يا روكو**

**إيه جنون العظمة ده يا روكو**

**وبعد ما النسر الملك عنفه وطرده وعفر عليه**

**مرت الحادثة على خير والبغبغان الغبى بيقول طردنى ليه**

**طار روكو مذعور شويتين**

وبعد عن الخطر مسافة حنتين

بعدها نسى كل النصائح

ورجع لعادته غروره فى الغابة صايح

فضل طائر طيران طويل بين البرين

هما زعلانين ليه دول للجميل ناكرين

حفضل طائر أدور وأدور

لازم أنشر جمالى فى البحور

بعدها ينصبونى إمبراطور الغابة روكو الرائع

**وأنافس نسر الغابة أبو دم ساقع**

**روكو قليل الأدب مع الجميع**

**الكل كرهه من أول الصغير لحد الشجيع**

**روكو بقت سمعته سيئة وسط الطيور**

**الجميع يقول قاطعوا وتجنبوا المغرور**

**البغبان تعب من الوحدة والتجاهل**

**الكل مقاطعه أصله بالأدب جاهل**

**روكو لف الغابة لف**

## طار طار زى الكف

مغورنا شاف مكان خطر ظليل

ما لاحظش إنه مغروش بورق الشجر الجميل

ما حاولش يحذر منه

ما قدرش عدم خبرته وصغر سنه

لف لفة ونزل على طول وسط الخمايل

يروح وييجى بطيش كأنه هيسوى الهوايل

ما يعرفش إنه فى خطر كبير المغرور

**مش أى مكان صالح لنزول الطيور**

**ما سالش ليه بابا والا ماما زى الشطور  
والا جدو الحكيم أو يقرا فى كتاب الطيور**

**بدل اللف والدوران يتعلم فنون الحياة زى الحلوين  
فن الهبوط فن الحذر فن تجنب الصيادين**

**روكو يا روكو**

**فرحان بجمالك ياروكو**

**منفوش وكانك طاوس متعلم**

متعالی وکانک نسر متکلم

مع إن جدو البغبغان الحکیم

قال زمان کلام سلیم

المنفوخ لابد حیدور بعد الغرور

حوالین نفسه ویقع فی المحظور

یمسکه قط بری صیاد

متربصله کل یوم فی المیعاد



أو يقع وهوا طائر على وش الميه  
كأنه عمل لنفسه خيه

أو يسقط في شبكة صياد شديد  
يمسكه ويحبسه في قفص حديد

أو يهجم عليه ويبلعه حته تعبان  
وهوا طلع والا نزل بغبان غلبان

قعد روكو يمشى بغرور وبتخايل  
يا عيني على إلى حاله مايل

لاحظ ان المكان ساكت بلا أصوات  
ومهجور من الطيور ولا حتى الفراشات

مكان إيه ده الى كله خمائل ومهجور  
نفسى ألقى طائر أمارس عليه الغرور

فجأة شاف بغبغان صغير فى مكانه متسمر  
واقف قدام خميلة جميلة ومشمر

روكو راح ناحيته وهوا متحير  
بص عليه لقاء مختار بوش متغير

روكو قال يكلمه ويجرب

كل ما يمشى ناحيته يلاقه بيقرّب

كل ما يعمل حركة فى دقيقة

يلاقه بقلدها زى الحقيقة

رفرف روكو بعد ما فرح بيه

قال أفرد بقى جمالى وأتغزل فيه

أعد ريشى وأصور جماله

أحكى وأوصف فى دلالة

ده أصفر وده أحمر يا سلام  
ده بنى وده أسود هوا ده الكلام

ده أخضر وده أزرق يا عيني  
ده فضى وده ذهبى يا سيدى

ما يعرفش إن ده فخ صياد  
وإنه مع الأسر على ميعاد

وإن البغبغان روكو المغرور  
حيقضى بقية عمره فى قفص طيور

فجاة حوطته شبكة كبيرة بتبلع  
لفت حوالين المغرور وهوا بيتدلح

قعد يصرخ ويقول الحقونى  
ياطيور الغابة يا حبايبي إنجدونى

يا بابا يا ماما يا جدو الحكيم  
تبت والله وكان كلامكوا سليم

ومحدثش سال فيه

طبعا عارفين ليه

**علشان روكو صابه الغرور**

**بيتعالى على كل الطيور**

**أتارى البغبغان إلى شافه بيقلده**

**كان عبارة عن مراية بتمجده**

**شاف فيها نفسه بجهلها وزيفها**

**وقعدت تتغزل فى محاسنها وغرورها**

**والصياد حط فوق الشبكة المراية**

**شفتوا يا اطفال بقى الحكاية**

**كان فيه فى الغابة مغرور كبير**

**نافش نفسه وبعدين يقع فى البير**

**شاف نفسه وقال أنا الأول والأخير**

**فى الجمال أنا واد خطير**

**روكو يا روكو**

**فرحان بجمالك ياروكو**

**مغرور وكأنك طائر البشروش**

**متكبر وكأنك وزه عراقى بتوشوش**

**وجدو البغبغان حكيم الطيور**

**قال دائما عن المغرور**

**روكو لابد يلف ويدور فى الغرور**

**ويرجع لعقله بعد الغلط الكبير**

**قعد بغبغانا صاحب الريش المتكون**

**يعد فى صفات جماله الملون**

**كان إسمه البغبغان الصغير روكو**



**لكن مش زى طيور المزرعة بيقول كوكو**

**أنا إسمى روكو الطائر أبو جمال مذهل**

**ملك كل الطيور الريشة منى بتسحر**

**كل مخلوق فى الغابة يشهد**

**بأن روكو ريشه أجمل من الهدهد**

**مين قدى فى الدنيا مين**

**مين زى فى الجمال مين**

**انا روكو واجهة الجمال**

جمالى بيسمع وسط التلال

روعتى ما إتوصفتش على حد

سيبكو من كلام الكبار مش حد

شوفوا مثلا ريشى الى بيضوى

ده ولا الموجه الشقية وهيا بتجرى

شوفوا جمال عيونى ده محال

أجمل من عيون البقر الوحشى والغزال

**دا أنا متحف طبيعى للجمال**

**بانوراما حية أجمل من القمر والهِلال**

**وده بس علشان أنا متواضع كبير**

**روكو فى حياته عمره ما إتكبر دا أنا الخطير**

**يلا يا إذاعة وتلفزيون إتكلّموا عنى**

**يلا يا سينما ويا مسرح إستوحوا منى**

**ويصبح جمالى مادة عبر العصور**

**يدرس فى المدارس ويترسم على جدران القصور**

كان فيه زمان بغبغان ملون  
طلع من البيضة بعد ما إتكون

شاف الدنيا وقال يا سلام  
دا الكون جميل من غير كلام

كان إسمه البغبغان الصغير روكو  
لكن مش زى الديك مفيد بيقول كوكو

قعد بغبغانا يسرح فى غروره  
مش عارف إنه ضحية لشروره

**أنا إسمى روكو الطائر اللامع**

**قولو ورايا أنا مش سامع**

**روكو يا ملك الروكوات**

**مستنينك من زمن فات**

**كان إسمه البغبغان المتكبر روكو**

**مغرور ومتعالى فاكر نفسه فركيكو**

**روكو يا روكو**

فرحان بجمالک یاروکو

منفوش وکأنک طاوس متعلم

متعالی وکأنک نسر متکلم

أنا إسمی روکو ملک الملوك

توکان إیه وطاوس إیه دول صعاليك

قعد بغبغانا صاحب المعالی

یعد فی ألوان ریشه غیر مبالی

كان إسمه البغفان الصغير روکو  
لكن مش زى الديك مفيد بيقول كوکو

مع إن جدو البغفان الحكيم  
قال زمان كلام سليم

المنفوخ لابد حيدور بعد الغرور  
حوالين نفسه ويقع فى المحذور

وبعد كده لقي نفسه أسير  
فى قفص دهبى وحرته كبير

يتباع من محل لمحل فى المدينة  
ومن شخص لشخص يسافر على السفينة

يا عينى محبوبس زى القرد أنيس  
قاعد فى قفص ضيق من غير ونيس

مفروض عليه يستحمل سخافات البشر الوحشين  
وشقاوة الأولاد إلى بيشدوا ريشه دول قاسيين

مرة يرشوا عليه ميه سخنة متعمدين  
مرة يخبطوا القفص بالكورة قاصدين

مرة قول أبوك السقامات



والا مافيش لب بغبنات ولا بلح أمهات

مرة تستفرد بيه القطة بوسى

عاوزه تاكله هيا والكلب لوسى

محطوط فى قفص دهبى صحيح

على شباك فى شارع رئيسى لكن مش مريح

وكل مايشوف فى السما عصفور طائر بيمر

يقعد بيكى ويقول بتحسر مر

روكو يا روكو

ليه مغرور بنفسك ليه يا روكو

كنت عايش حر وطلاق

دلوقت محبوس بدون صديق

لو كنت بطلت الغرور والتعالى

لو ما كنتش غير مبالى

كان حالك صبح غير كده أنت فى أزمة

بغبغان بيقلد فى القفص ودموعه نازلة

سعره على قد قلة أدبه

**بيكر الكلام زى عدمه**

**أبوك السقامات**

**بيكر الكلمة زى الآلات**

**إتعلموا يا كل الاولاد والبنات**

**روكو أخذ درس من إلی فات**

**نذاكر دروسنا**

**نقرا علومنا**

**نسمع كلام الكبار**

**بابا وماما وجدو وأبله إنتصار**

**ونبعد نبعد عن الغرور**

**علشان ما يرجع الخاطر مكسور**

**كان فيه زمان بغبان ملون**

**طلع من البيضة بعد ما إتكون**

**شاف الدنيا وقال يا سلام**

**دا الكون جميل من غير كلام**

**بص على نفسه وهو مكور**

**شاف بغبغان صغیر بریش منور**

**فرد جناحاته ورفرف بکل غرور**

**وقال ده أنا أروع من كل الطيور**

**إیه یعنی الطاوس والتوکان**

**ده زمنهم ولی وکان کان**

**إیه یعنی البشروش والفلامنکو**

**دول جمالهم فالصو زی الایک بینکو**

**ودى كانت قصة البغفغان روكو المغرور**

**إلى الغرور خلاه من حر طليق شطور**

**لطائر خيبان**

**أسير فى القفص زعلان**

**مفروض عليه يقلد سخافة الكلام**

**كلام من غير معنى من الصبح لحد ماينام**

**ويقول لنفسه زمان زمان كنت حر برفرف**

**دلوقت بقت الحرية أحلام بتهفف**

**روكو يا روكو**

**دفعت تمن غرورك يا روكو**

**تمت**

**أحمد إبراهيم الدسوقي**

**القاهرة**

**مصر**

**٢٠١٨**